



Inatsisartunut ilaasortaq,
Sofia Geisler, Inuit Ataqatigiit
/ Maani

§ 37 naapertorlugu apeqquteqaammut akissut nr. 152 / 2019

Qeqertarsuup Tunuani Aalisarfiit pisassiissutitaqarfiunngitsut pillugit inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit suliasaqarfigisannit akineqartussanngorlugit innersuunneqarput.

Apeqqut 1:

Piffissami 2010-miit ullumikkumut killilersorneqanngitsumik Qeqertarsuup Tunuani qalerallinniarfimmi aalisarneq tassani aalisarneqartartut angissusaannut qanoq sunniuteqarsimanersoq Naalakkersuisut ilisimatitsissutigisinnaavaat?

Akissut: Qalerallit Qeqertarsuup Tunuani pisassiissutitaqanngitsumimmata pisassiissutitaqanngitsumullu aalisarfimmut isersinnaallutillu anisinnaammata aalisarfimmik pisassiissutitaqanngitsumik ineriartorneq immikkoortillugu nalilersoruminaappoq. Aalisarfik pisassiissuteqarfiunngitsooq 2014-imi aatsaat atorneqalermat maluginiaqquneqarpoq. Pisassiissutitaqanngitsumik aalisarfinni aalisarneq Qeqertarsuup Tunuani aalisarnermut ataatsimoortumut ilaavoq tamaanilu 2010-mi agguaqatigiissillugu angissusaat 57 cm-imiit 2017-imi 54 cm-imut milleriarsimapput.

Apeqqut 2.

Piffissami 2010-miit ullumikkumut pisarineqartut amerliartornerat ilutigalugu Qeqertarsuup Tunuani killilersuinertaqanngitsumik qalerallinniarfimmi qalerallit milliartorsimanersut Naalakkersuisut ilisimatitsissutigisinnaavaat?

Akissut: Tulaanneqartut agguaqatigiissillugu angissusaat, aalisartut angallamminni allat-tuivii malillugit oqummersamut ataatsimut aalisakkat pisaasartut kiisalu uumassusilerituut kilisaatinik qassutinillu misissuinerinit piffissami pineqartumi aalisagaqatigiit milliartuler-simasut takuneqarsinnaavoq. Aalisagaqatigiit milleriaraangamik annerit utoqqaanerillu ikileriarnerninut takussutissaasarpog, taamaattumillu aalisakkat tulaanneqartut mikineru-sarput. Pisassiissutitaqanngitsunik aalisarneq Qeqertarsuup Tunuani aalisarnermut ta-marmut ilaammat pisassiissutitaqanngitsumik aalisarneq aalisagaqatigiit ikiliartorne-rannut aamma peqqutaataaavoq.

Apeqqut 3

Qeqertarsuup Tunuani killilersuinertaqanngitsumik qalerallinniarfimmi aalisarneq piujuaannartitsinissaq tunngavigalugu ingerlanneqarnersoq Naalakkersuisut nalil-erpaat?

Akissut: Pisassiissutitaqanngitsunik aalisarneq Qeqertarsuup Tunuani aalisarnermut ta-marmut ilaammat pisassiissutitaqanngitsumik aalisarneq aalisarnermit tamarmiusumit

Ulloq: 04-04-2019
Sulap normua: 2019 - 7919
All. nr.: 10379684

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

immikkoortinneqarsinnaangilaq. Taamaammat Qeqertarsuup Tunuani pisassiissutitaqanngitsumik aalisarfimmi qaleralinniarneq nungusaataanngitsumik ingerlanneqarnersoq oqaatigiuminaappoq.

Apeqqut 4

Qeqertarsuup Tunuani killiliinertaqanngitsumik qaleralinniarfimmi qaleralinniarnermi pisassiissutit aallaavigalugit aalisartoqalernissaanut Naalakkersuisut ulluleereerpat?

Akissut:

Erseqqinnerusumik sulii ullulernerneqanngilaq Naalakkersuisulli Qeqertarsuup Tunuani pisassiissutitaqanngitsumik aalisarnerup atorunnaarsinnissaa sulii isumaliutersuutigaat.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



22. marts 2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Naalackersuisut ilisimatitsissutigisinnaavaat killilersorneqanngitsumik Qeqertarsuup Tunuani qaleralinniarfimmi aalisarneq tassani aalisarneqartartut angissusaannut qanoq sunniuteqarsimanersoq, piffissami 2010-miit ullumikkumut?
2. Naalackersuisut ilisimatitsissutigisinnaavaat pisarineqartut amerliartornerat iluatigalugu Qeqertarsuup Tunuani killilersuinertaqanngitsumik qaleralinniarfimmi qalerallit angissusaat milliartorsimanersoq, piffissami 2010-miit ullumikkumut?
3. Naalackersuisut nalilerpaat Qeqertarsuup Tunuani killilersuinertaqanngitsumik qaleralinniarfimmi aalisarneq piujuaannartitsinissaq tunngavigalugu ingerlanneqarnersoq?
4. Qeqertarsuup Tunuani killiliinertaqanngitsumik qaleralinniarfimmi qaleralinniarnermi pisassiissutit aallaavigalugit aalisarnerup ingerlatilernissaanut Naalackersuisut ulluleereerpat?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Qulaani apeqqutigineqartut tassaapput malitseqartitsilluni apeqqutit, aallaavigineqarluni §37 naapertorlugu apeqqutinnut nr. 134_2019-mut Naalackersuisut akissutaat.

Kissaatigivara apeqqutikka ullut suliffiusut qulit qaangiutinnginneranni akineqarnissaat.